



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCXLVII. ad annum CCCCI.

Parisiis, 1644

VII. Vt episcopus accusatus, vbi, vel infra quod te[m]pus examinetur.

urn:nbn:de:hbz:466:1-15256

484 SIRICIVS CONCILIVM ARCADIVS
PAPA. HONORIVS IMP.

nisi solitum sal : quia si fideles per illos dies sacra-
mentum non mutant , nec catechumenis oportet
mutari.

V I.

Cod. Can.
cap. 18.

Matt. 26.

Item placuit , vt corporibus defunctorum eu-
charistia non detur. Dictum est enim a Domino:
Accipite & edite. Cadauera autem nec accipere
possunt , nec edere. Cauendum est etiam ne mor-
tuos baptizari posse fratrum infirmitas credat , cum
eucharistiam mortuis non dari animaduerterit.

V II.

Cod. Can.
cap. 19.
4. qu. 5.
Quisquis.

Aurelius episcopus dixit : Quisquis episcopo-
rum accusatur , ad primatem prouinciae ipsius cau-
sam deferat accusator. Nec a communione suspen-
datur , cui crimen intenditur , nisi ad causam suam
dicendam primatis literis euocatus , minime oc-
currerit , hoc est , intra spatum mensis , ex ea die ,
qua eum literas accepisse constiterit. Quod si ali-
quas veras necessitatibus causas probauerit , quibus
eum occurrere non potuisse manifestum sit , cau-
sa suæ dicendæ intra alterum mensem integrum
habeat facultatem. Verum post mensem secundum
tam diu non communicet , donec purgetur. Sin
autem nec ad Concilium vniuersale anniuersarium
occurrere voluerit , vt vel ibi causa eius terminetur ,
ipse in se damnationis suæ sententiam dixisse
iudicetur. Tempore sane quo non communicat ,
nec in sua plebe communicet. Accusator autem ei-
us si nunquam diebus causæ dicendæ defuerit , a
communione non remoueatur. Si vero aliquando
defuerit , subtrahens se , restituto in communio-

SIRIGIVS PAPA. CARTHAGIN. III. ARCADIVS² HONORIVS³ IMP. 485

ANNO CHRISTI 397⁴ nem episcopo, ipse remoueatur; ita tamen, vt nec ipsi adimatur facultas causæ peragendæ, si se ad diem occurrere non noluisse, sed non potuisse, probauerit. Illud vero placuit, vt cum agere cœperit in episcoporum iudicio, si fuerit accusatoris persona culpabilis, ad accusandum vel agendum non admittatur, nisi proprias causas, non tamen ecclesiasticas, dicere voluerit.

4. q. 6. II.
Iud. vero
placuit.
Cod. Can.
cap. 20.
15. q. 7. Si
autem pres-
byteri vel
diaconi.

VIII.

Si autem presbyteri vel diaconi fuerint accusati, adiuncto sibi ex vicinis locis legitimo numero collegarum, id est, in presbyteri nomine quinque, in diaconi duobus; episcopi ipsorum causas discutiant, eadem dierum & dilationum & a communione remotionum, & discussione personarum, inter accusatores & eos qui accusantur, forma seruata. Reliquorum autem causas etiam solus episcopus loci agnoscat & finiat.

IX.

Item placuit, vt quisquis episcoporum, presbyterorum & diaconorum seu clericorum, cum in ecclesia ei crimen fuerit intentatum, vel ciuilis causa fuerit commota, si relicto ecclesiastico iudicio, publicis iudiciis purgari voluerit, etiam si pro ipso fuerit prolata sententia, locum suum amittat, & hoc in criminali iudicio. In ciuili vero perdat quodeuicit, si locum suum obtinere voluerit. Cui enim ad eligendos iudices vndique patet auctoritas, ipse se indignum fraterno consortio iudicat, qui de vniuersa ecclesia male sentiendo, de iudicio saeculari poscit auxilium, cum priuatorum Christianorum

Cod. Can.
cap. 15.
II. q. 1. Pla-
cuit, vt
quisquis
episcoporum.

P pp iiij